

宣和奉使高麗圖經卷第十六

官府

臣聞唐虞建官惟百夏商官倍亦克用又至周而詳天地四時仰觀俯察以道運之而政事舉矣豈復有文具而實不應之弊哉高麗之初建官十有二級襲夷語以爲之名不事馴雅自漸皇化設官置府依放稱謂而涖職治事尚泐夷風往往文具而實不應然而慕義之志亦可尙云

省監

高麗圖經卷十六

一知不足齋叢書

巳卯重刊

官府之設大抵皆竊取朝廷美名至其任職授官則實不稱名徒爲文具觀美而已尙書省在承休門內前有大門兩廊十餘間中爲堂三間卽令官治事之所政事之所自出也自尙書省之西春宮之南前開一門中列三位中爲中書省左曰門下省右曰樞密院卽國相平章知院治事之所禮賓省在乾德殿前之側所以掌四鄰之賓客八關司在昇平門之東所以掌齋祭之事御史臺在左同德門內所以張風憲之任翰林院在乾德殿之西所以處詞學之臣尙乘局以貯車馬軍器監以

藏甲仗以至賓省之典禮儀閣門之職贊導大盈倉寶貨之帑右倉卽積粟之地凡此皆在王居內城也自廣化門外言之官道之北則尙書戶部又其東曰工部曰考功曰大樂局曰良醞局四門竝北列而南向各有標名道之南則兵刑吏三司其門南列而北向又東南數十步卽鑄錢監稍北卽將作監也監門干牛金吾三衛在北門內而金吾稍近東所以典兵衛之禁大市京市二司在南大街而東西相望所以平關市之政以至管弦有坊弓箭有司幘頭有所古天有臺凡此皆在外

高麗圖經卷十六

二知不足齋叢書

已知重刊

城之內也又有開成

鄭刻城

府拒城四十里凡民庶婚田

鬪訟之事悉總之

國子監

國子監舊在南會賓門內前有大門榜曰國子監中建宣聖殿兩廡闢齋舍以處諸生舊制極隘今移在禮賢坊以學徒滋多所以侈其制耳

倉廩

倉廩之制不施關鑰外爲墻垣唯開一門以防盜竊內城之內舊有三倉今所見者特右倉耳宣義門之外有

倉曰龍門洪州山中有倉曰富用俗傳曰芙蓉非也大
義倉舊在西門內鈔本作西南門今依鄭刻積米三百萬經回祿悉

為煨燼遂移於長霸門麗人以眾水所會之地可以厭

火災耳又有海鹽常平二倉相去數百步唯富用與右

倉不常發以儲兵革水旱之備其積之狀如圓屋正詩

所謂亦有高廩也下築土基其高數尺織草為苫中積

米穀一石積而致之其高數丈出於墉外上復以草蓋

之以蔽風雨蓋米氣不泄則陳腐今高麗倉廩中雖數

歲而米亦新者以積苫之法略通其氣耳國相每歲給

高麗圖經卷十六

三知不足齋叢書

米四百二十苫致仕半之尙書侍郎而下二百五十苫

卿監郎官一百五十苫南班官四十五苫諸軍衛錄事

一十九苫其武臣視此等而上之與文官相埒內外身

任受祿官三千餘員散官同正無祿給田者又一萬四

千餘員其田皆在外州佃軍耕蒔及時輸納而均給之

府庫

奉先庫在廣化門之東去順天館官道之北前門二間

稍東開門左有一堂其制極高出於牆外右有一樓東

面不施窗牖唯於其柱榜云貯水防火蓋其中所藏乃

奉先王祭器牲牢及國忌給齋料於此以施諸寺焉

藥局

高麗舊俗民病不服藥唯知事鬼神咒詛厭勝爲事自王徽遣使入貢求醫之後人稍知習學而不精通其術宣和戊戌歲人使至上帝降醫職以爲訓導上可其奏遂令藍苗等往其國越二年乃還自後通醫者衆乃於普濟寺之東起藥局廷官三等一曰太醫二曰醫學三曰局生綠衣木笏日泄其職高麗他貨皆以物交易惟市藥則閒以錢買焉

高麗圖經卷十六

四知不足齋叢書

囹圄

囹圄之設其墉高峻形如環堵中亦有屋蓋古圖土之意也今在官道之南與刑部相對輕罪則付刑部盜及重罪則付獄繫以纒繼無一人得逸者亦有枷杻之法然淹延不決有至閱時經歲唯贖金可免凡決杖以一大木橫縛二手於上使之著地而後鞭之笞杖極輕自百至十隨其輕重而加損唯大逆不孝乃斬次則反縛髀骨相摩至胷次皮膚拆裂乃已亦車裂之類也外郡不行刑殺悉械送王城每歲八月慮囚夷性本仁死辜

多貨而流於山島累赦則以歲月久近量輕重原之

宣和奉使高麗圖經卷第十六

高麗圖經卷十六

五知不足齋叢書